

Na osnovu Odluke Vlade Bosansko-podrinjskog kantona Goražde o davanju saglasnosti na „Program razvoja poduzetništva i obrta za 2025.godinu“, broj: 03-11-2373 od 20.11.2025.godine, Ministarstvo za privredu Bosansko-podrinjskog kantona Goražde raspisuje:

JAVNI POZIV

za odabir korisnika sredstava za sufinansiranje po „Programu podrške razvoju poduzetništva i obrta za 2025.godinu“

I PREDMET JAVNOG POZIVA

Predmet Javnog poziva je prikupljanje prijava, apliciranih putem aplikacione forme za dostavljanje prijedloga projekata za odabir korisnika sredstava po Programu podrške razvoju poduzetništva i obrta za 2025.godinu. Sredstva su planirana u Budžetu Ministarstva za privredu Bosansko-podrinjskog kantona Goražde za 2025. godinu, na ekonomskom kodu 614500 POD003-Subvencije za podsticaj razvoja poduzetništva i obrta, u visini od 240.000 KM.

NAPOMENA: Obzirom da po ovom Programu nisu operativnim planom odobrena sredstva u iznosu od 240.000,00 KM već u iznosu od 95.000,00 KM, prvi Javni poziv se raspisuje za iznos od 95.000,00 KM koje će biti raspoređene po ciljevima na slijedeći način: po cilju 1) 40.000,00 KM, cilj 2) 35.000,00 KM, cilj 3) 10.000,00 KM, cilj 4) 10.000,00 KM.

Ukoliko do 10.12.2025.godine ostatak sredstava u iznosu do 145.000,00 KM bude raspoloživ ista će se dodjeliti aplikantima koji budu prošli administrativnu provjeru i bodovanje, jer im zbog nedostatka sredstava ista nisu dodjeljena biće prioritet u dodjeli dodatno odobrenih sredstava po redoslijedu kako su već izbodovani i to po ciljevima kako slijedi; cilj 1) 50.000,00 KM, cilj 2) 55.000,00 KM, cilj 3) 20.000,00 KM i cilj 4) 20.000,00 KM.

Ukoliko do 10.12.2025.godine ne bude odobreno operativnim planom sredstava preko 95.000,00 KM, dostavljeni prijedlozi Projekata po prvom javnom pozivu koji ne budu obuhvaćeni prilikom dodjele 95.000,00 KM, a koji su po prvom javnom pozivu prošli administrativnu provjeru i imali su 70 i više bodova biće će odbijeni.

II CILJEVI PROGRAMA

Program će obezbijediti pružanje podrške obrtnicima za sufinansiranje projekata obrtnika u Bosansko-podrinjskom kantonu Goražde. Pružit će se podrška subjektima koji su registrirani u okviru proizvodne, proizvodno-uslužne djelatnosti, radi očuvanja, rasta i razvoja, povećanja zapošljavanja, povećanja kvaliteta i konkurentnosti, poticanja obavljanja obrta, srodnih djelatnosti i opstanka tradicionalnih i starih zanata, i implementacije aktivnosti koji doprinose realizaciji mjera održivog razvoja predviđenih Strategijom razvoja Bosansko-podrinjskog kantona Goražde za period 2020.-2027.godine („Službene novine Bosansko-podrinjskog kantona Goražde“, broj: 4/21), u vidu subvencije za sufinansiranje prihvaljivih troškova po posebnim ciljevima:

Sredstva iz ovog Programa po cilju 1 namijenjena su za nabavku: mašina, proizvodnih linija, uređaja, adaptacija i sanacija poslovnih objekata, nabavka ili izrada digitalnih rješenja u cilju automatizacije poslovnih procesa (softver i hardver) u funkciji osnovne djelatnosti, modernizacija i inovacija poslovnih procesa.

- 1) Minimalan iznos sredstava po jednom korisniku iznosi 1.000,00 KM, a maksimalan iznosi 3.000,00, a ukupan iznos koji je planiran po ovom cilju iznosi 40.000,00 KM.

- 2) Sredstva iz ovog Programa po cilju 2 namijenjena su za sufinansiranje prihvatljivih troškova: nabavka vozila, servisiranja vozila, nabavka opreme (auto dijelovi, gume za vozilo) , priključne mehanizacije za vozila.
Minimalan iznos sredstava po jednom korisniku iznosi 1.000,000 KM, a maksimalan iznosi 3.000,00 KM, a ukupan iznos koji je planiran po ovom cilju iznosi 35.000,00 KM.
- 3) Sredstva iz ovog Programa namijenjena po cilju 3 za za sufinansiranje prihvatljivih troškova: kupovinu poslovnog prostora.
Minimalan iznos sredstava po jednom korisniku iznosi 3.000,00 a maksimalan iznosi 5.000,00KM, a ukupan iznos koji je planiran po ovom cilju iznosi 10.000,00 KM.
- 4) Sredstva iz ovog Programa po cilju 4 namijenjena za obrte registrovane kao dodatna ili dopunska djelatnosti namijenjena su za ; nabavku mašina, proizvodnih linija, uređaja, adaptacija i sanacija poslovnih objekata,nabavka ili izrada digitalnih rješenja u cilju automatizacije poslovnih procesa (softver i hardver) u funkciji osnovne djelatnosti, modernizacija i inovacija poslovnih procesa, kupovinu poslovnog prostora.
Minimalan iznos sredstava po jednom korisniku iznosi 1.000,00 KM, a maksimalan iznosi 2.000,00 KM, a ukupan iznos koji je planiran po ovom cilju iznosi 10.000,00 KM.

Utvrđeni troškovi sufinansiranja iz ciljeva (1), (2),(3) i (4) ovog Javnog poziva moraju biti **isključivo namijenjeni djelatnosti za koju su registrovani** po Zakonu o obrtu i srodnim djelatnostima u FBiH. Mašine, postrojenja, vozila i oprema koja se nabavlja **mora biti nabavljena od ovlaštenih dobavljača.**

Neprihvatljivi troškovi za koje se ne mogu koristiti sredstva su: nabavka namještaja i kancelarijskog materijala, nabavka i ugradnja klima uređaja ,nabavka kancelarijske opreme (računari i printeri) — izuzev za šifre djelatnosti M 69.20, izrada softvera od strane zaposlenika firme, troškovi izrade web stranice, nabavka pribora i sitnog inventara, alata (u zavisnosti od vrste djelatnosti: npr. čekić, četka za feniranje, fen, makaze, mašince za šišanje, radne kecelje...), repromaterijal osim za djelatnosti iz područja H razred 49.31, 49.32, 49.39, 49.41 i iz područja P razred 85.53, iznajmljivanje objekata, zemljišta, plaće i doprinosi na plaće, investicije u solarne elektrane, kao i nabavka mašina, postrojenja, usluga i opreme od fizičkih lica, retroaktivno finansiranje aktivnosti na projektima koji su započeti s implementacijom prije dana objave Javnog poziva po ovom Programu (već izvršene avansne uplate) i svi ostali troškovi koji nisu u skladu sa namjenom projekta.

Kod prijava čiji projekat uključuje i neprihvatljive troškove navedene u Prijavnom obrascu, bit će odbijene.

Kod prijava čiji projekat uključuje i neprihvatljive troškove navedene u Prijavnom obrascu, bit će odbijene.

III KRITERIJI

Opći (osnovni) cilj Programa

U implementaciji Programa primjenjivaće se restriktivne procedure koje omogućavaju ravnopravno učestvovanje u Programu svim licima koja spadaju u jednu od slijedećih kategorija:

- a. da imaju rješenje o registraciji za već postojeći obrt i srodne djelatnosti kao osnovno zanimanje koje je izdao nadležni općinski organ i da im je prebivalište (registracija) na prostoru Bosansko-podrinjskog kantona Goražde;
- b. da imaju rješenje o registraciji dodatne ili dopunske djelatnosti za obrt i srodne djelatnosti koje je izdao nadležni općinski organ i da im je prebivalište (registracija) na prostoru Bosansko-podrinjskog kantona Goražde;

Lica koja spadaju u jednu od kategorija iz prethodnog stava obavezna su ispunjavati slijedeće opće uslove za učestvovanje u Programu:

- a) da su registrovani do 30.09.2025. godine i imaju sjedište na području BPK-a Goražde;
- b) da im da imaju ugovor o otvorenom bankovnom računu i da isti nije u blokadi,
- c) ID broj aplikanta (identifikacioni broj aplikanta),
- d) da imaju najmanje 1 (jednog) zaposlenog na neodređeno vrijeme (uključujući vlasnika);
- e) da osiguraju vlastito učešće minimalno 20% od ukupne vrijednosti projekta,
- f) da uredno izmiruju direktne poreze, doprinose za PIO/MIO i zdravstveno osiguranje, osim obaveza koje su obuhvaćene Ugovorom o reprogramiranju obaveza;
- g) da imaju izmirene obaveze po osnovu članarine obrtničkoj komori;
- h) da su opravdali sredstva dodijeljenja po programima ovog Ministarstva iz prethodne tri godine,
- i) da nisu bili korisnici sredstava po Programu "Subvencije za podsticaj razvoja poduzetništva i obrta za 2024.godinu"
- j) da nisu registrovani za sezonsko obavljanje obrta

3.2 . Posebni uslovi za učestvovanje u Programu

U implementaciji Programa, pored općih, primjenjivaće se i posebni uslovi za učestvovanje u Programu.

Posebni uslovi koji se primjenjuju za aplikante u okviru svih ciljeva su:

1. da spadaju u kategoriju lica kojima je opštim uslovima omogućeno učestvovanje u Programu,
2. da su registrovani, zaključno sa 30.09.2025.godinu,
3. da nisu registrovani za poljoprivrednu djelatnost,
4. da imaju OBAVEZNO minimalno 20% vlastitog učešća od ukupne vrijednosti projekta,
5. da nisu bili korisnici sredstava po Programu "Subvencije za podsticaj razvoja poduzetništva i obrta za 2024.godinu".

IV KORISNICI SREDSTAVA

Lica koja ispunjavaju opće uslove za učestvovanje u Programu i koja u formi propisanoj od strane Ministarstva za privredu Bosansko-podrinjskog kantona Goražde dostave popunjen obrazac imaju status aplikanta.

Prioritetne aktivnosti i mjere za učestvovanje u Programu u okviru prvog posebnog cilja su:

- nabavka: mašina, proizvodnih linija, uređaja, adaptacija i sanacija poslovnih objekata, nabavka ili izrada digitalnih rješenja u cilju automatizacije poslovnih procesa (softver i hardver) u funkciji osnovne djelatnosti, modernizacija i inovacija poslovnih procesa.

Prioritetne aktivnosti i mjere za učestvovanje u Programu u okviru drugog cilja su:

- nabavka vozila, servisiranja vozila, nabavka opreme (gume za vozilo), priključne mehanizacije za vozila.

Prioritetne aktivnosti i mjere za učestvovanje u Programu u okviru trećeg cilja su:

- kupovinu poslovnog prostora.

Prioritetne aktivnosti i mjere za učestvovanje u Programu u okviru četvrtog cilja su:

- nabavka; mašina, proizvodnih linija, uređaja, adaptacija i sanacija poslovnih objekata, nabavka ili izrada digitalnih rješenja u cilju automatizacije poslovnih procesa (softver i hardver) u funkciji osnovne djelatnosti, modernizacija i inovacija poslovnih procesa, kupovinu poslovnog prostora.

V PRAVO UČEŠĆA

Pravo učešća po ovom Javnom pozivu imaju svi obrtnici koji ispunjavaju opće i posebne uslove u skladu sa Programom i koji su navedeni kao potencijalni korisnici sredstava u okviru svakog posebnog cilja.

VI SADRŽAJ PRIJAVE ZA UČEŠĆE NA JAVNOM POZIVU ZA DODJELU FINANSIJSKIH SREDSTAVA

Prijava mora biti urađena sadržajno po zahtjevanim elementima iz aplikacione forme i u skladu sa procedurama apliciranja navedenim u „Programu podrške razvoju poduzetništva i obrta za 2025.godinu“.

Prijavu razmatra komisija za izbor korisnika sredstava, ako su dostavljeni:

- popunjen obrazac aplikacione forme za projekte (popunjeni obrazac ne može biti pisan rukom),
- potrebna dokumentacija kojom se dokazuje ispunjavanje općih i posebnih uslova po navedenom posebnom cilju Programa i
- ostala dokumentacija koja može uticati na vrjednovanje i ocjenu aplikacija u skladu sa „Programom podrške razvoju poduzetništva i obrta za 2025.godinu“.

Popis potrebne dokumentacije za navedene posebne ciljeve Programa dat je uz aplikacionu formu za projekte koje je propisalo resorno ministarstvo.

Prijave koje nisu podnešene u skladu sa procedurama apliciranja navedenim u „Programu podrške razvoju poduzetništva i obrta za 2025.godinu“ bit će odbijene i neće biti predmet daljeg razmatranja komisije za izbor korisnika sredstava. Sva priložena dokumenta moraju biti izdana od strane nadležnih organa. Sve priložene kopije dokumenata moraju biti ovjerene od strane nadležnih upravnih organa ovjerom ne starijom od 3 (tri) mjeseca od dana objavljivanja Javnog poziva na internet stranici Ministarstva za privredu Bosansko-podrinjskog kantona Goražde i oglasnoj tabli resornog ministarstva.

VII KRITERIJI ZA OCJENU PRIJAVE I IZBOR KORISNIKA

Izbor korisnika finansijskih sredstava vrši komisija za izbor korisnika sredstava, koja ima zadatak da u skladu sa procedurama apliciranja, selekcije i evaluacije projekata za sredstvima

navedenim u „Programu podrške razvoju poduzetništva i obrta za 2025.godinu“ izvrši ocjenu i rangiranje korisnika grant finansijskih sredstava.

Komisiju za izbor korisnika sredstava imenuje ministar za privredu Bosansko-podrinjskog kantona Goražde.

VIII NAČIN PREUZIMANJA POTREBNE DOKUMENTACIJE

Potrebnu dokumentaciju za učešće na Javnom pozivu, pripremio je Ministarstvo za privredu Bosansko-podrinjskog kantona Goražde i ista se može preuzeti sa internet stranice Ministarstva www.mp.bpkg.gov.ba.

IX NAČIN PODNOŠENJA PRIJAVE

Prijave sa odgovarajućom dokumentacijom dostavljaju se na protokol Ministarstva za privredu Bosansko-podrinjskog kantona Goražde ili preporučenom poštom u zapečaćenim kovertama na adresu:

Ministarstvo za privredu Bosansko-podrinjskog kantona Goražde
ul M.Tita 13, Goražde 73000 sa naznakom:

za Javni poziv za odabir korisnika sredstava po „Programu podrške razvoju poduzetništva i obrta za 2025. godinu“, poseban cilj _____ „NE OTVARAJ“

Na poledini kovertе obavezno navesti naziv – ime podnosioca prijave, adresu i kontakt telefon i ovjeriti pečatom poslovnog subjekta.

Rok za dostavu prijave je 8 dana od dana objavljivanja Javnog poziva na internet stranici Ministarstva za privredu Bosansko-podrinjskog kantona Goražde i oglasnoj tabli resornog ministarstva.

Prijave primljene nakon isteka roka bit će odbačene i neće biti predmet razmatranja.

U slučaju nedostatka sredstava u Budžetu Kantona, obustavlja se realizacija dodjele sredstava. Ministarstvo ne snosi troškove nastale u vezi sa prijavom na Javni poziv.

X OSTALE ODREDBE

Sa podnosiocima prijava čiji se projekti odobre Ministarstvo za privredu Bosansko-podrinjskog kantona Goražde potpisuje Ugovor o utrošku finansijskih sredstava, kojim će se definisati međusobna prava i obveze ugovornih strana, a posebno način i dinamika korištenja dodijeljenih finansijskih sredstava, te nadzor nad utroškom istih u skladu sa „Programom podrške razvoju poduzetništva i obrta za 2025. godinu“.

Sve dodatne informacije vezane za ovaj Javni poziv mogu se dobiti svakim radnim danom na broj telefona: 038/224-264, u vremenu od 07:45-16:15 sati.

Broj: 04-11-2501-4/25

Goražde, 26.11.2025.godine

